

ասոնց վերաբերմամբ տեղի ունեցած դատերու մանրամասնութեանց համար տեսնել Աստուածատուր եպօ. Տէր Յովհաննէսեանի Պատմ. Երուսաղէմի երկհատոր գիրքը, և Ս. Աթոռոյ տպարանէն հրատարակուած Բովսնդակութիւն ազգային սեփականութեանց խորագրով տետրակը:

2. — Յովհաննէս արփեպօ. Տուեցի կամ Տայեցի Բեթղեհեմի մեջ. — Ս. Ծննդեան եկեղեցիին նկարագրութիւնը աւարտելով պարտք կը զգամ յիշատակել Գարդմանի արքեպօ. Տայեցիին Բեթղեհէմի եկեղեցւոյն այցելութիւնը, քաղելով Վարդան վրդ. Բարձրբերդցիին Տիեզերական Պատմութեան գրքէն (էջ 201-204). սոյն արքեպիսկոպոսը՝ ճգնասուն եկեղեցական մը՝ (* 1263) բոկոտն ուխտի կու գայ Երուսաղէմ, և Ս. Յարութեան տաճարին մէջ երեք յիսնակներ կը մնայ անհաց և անջուր, յոտին կեցած և լուռ. իր վարքովը կը զարմացնէ Փռանկները և կը տարածուի անոր համբաւը իբր հրաշագործ: Ս. Յարութեան տաճարին մէջ Գարդմանի արքեպիսկոպոսին Ս. Գերեզմանին վրայ կատարած հրաշալի լուսավառութեան առթիւ Բարձրբերդցիին պատմուածքը զանց ընելով՝ բառ առ բառ աշխարհաբարի կը վերածեմ միայն նոյն եպիսկոպոսին Բեթղեհէմի ուխտաւորութեան ժամանակ տեղի ունեցած պատմական մէկ դրուագը զոր կը յիշատակէ դարձեալ Բարձրբերդցիին: . . . « Երբ Ս. Բեթղեհեմ գացի և տեսայ որ Սուրբ Առաքելոց պատկերները հոն՝ եկեղեցիին պարիսպին վրայ նկարուած էին, և թշնամիները անարգութեան պատճառով անոնց աջերը փորած էին, շատ սրտեցայ, և աղօթեցի Ս. Առաքելոց և աղայեցի որ ինձ յայտնեն թէ իրենց հաճոյք է անկէ տեղ իրենց պատկերը նկարել: Եւ երբ Երուսաղէմ դարձայ, նոյն գիշերը տեսիլսի մը մեջ տեսայ երկու փառաւոր մարդեր՝ որ ինձի կու գային և ևս անոնց առջեւ ելնելով ըսի թէ՝ ո՞վ էք դուք, Աստուծոյ սուրբեր, և անոնք կ'ըսեն. Պետրոս և Յովհաննէս, դու էիր որ մեզի աղայեցիր՝ որպէս զի փրստնեւներուն՝ մեզի ձեռակերպելու կամ նկարելու մասին սեր կաւիր յայտնեմք. այդ բանը բնաւ մեզի հաճոյք չէ՝ ձեռնարկուած եմք և տեղ տեղ ալ կը յայտնեմք, բայց մտիկ չեն ընէր մեզի:

1169 թուականին էր որ, ինչպէս տեսանք վերև, Յոյնք և Լատինք համաձայնելով Ս. Ծննդեան եկեղեցիին պատերը և պարիսպները զարգարեցին նկարներու և մոզայիքներու անօրինակ ձօնութեամբ մը, ինչպէս պարզեցինք, թէ ուխտաւորք